

**Sou-Gorn ID:**

Kau Dih tengx nyaanh nyei sou-gorn biux mengh gongv meih duqv zipv nyaanh camv jiex ndaangc, caux meih yaac zaih haic aqv, naaiv se weic “cash aid” nyaanh sotv oix zuqc jaauv nzuonx caux/a’fai “CalFresh” (zinh ndaangc heuc “Food Stamps”) bun camv jiex ndaangc nyei jauv. Ga’ndiev naaiv kang zaih haic nyei soux mouc oix fungx bieqc “Franchise Tax Board” weic zorqv cuotv yiem meih duqv nzuonx nyei nzou-zinh. Naaiv zeiv sou-fienx haih maiv fiev njiec yietc zungv jiex daaih nyei zaeqv.

**“Cash Aid” Nyaanh \$****“CalFresh” Nyaanh \$**

Weic naaiv deix nyaanh maiv gaengh duqv jaauv nzuonx, “Franchise Tax Board” Siou Nzou-Zinh nyei gorn zorqv nzengc, a’fai deix baav, meih oix duqv nzuonx nyei Saengv nzou-zinh daaux nqaang nyei nyaanh, a’fai ndouv zinh hingh nyei nyaanh (ei nqoi nzuih nyei leiz yiem Saengv Gunv Sic caux yiem California Hungh Jaa nyei Leiz-Nyeic 12419.5, caux yiem “California Department of Social Services Manual of Policies” caux Yietv-nyeic - Ginc 20-400), weic jaauv nzuonx meih qiemx nyei nyaanh. Naaiv kang jauv oix ei jienv zoux maiv gunv meih mbuo l hmuangv maaih juangc jienv zoux meih nyei hnyangx dong nzou-zinh caux maaih dauh benx maiv qiemx zaeqv nyei mienh.

**Meih Maaih nyei Leiz Tengx Zaah Taux Naaiv Kang Sic**

Se gongv meih fai meih nyei cai-doix (se gongv juangc jienv zoux nzou-zinh), maiv buac caux haaix nyungc naaiv deix dingc daaih nyei jauv-louc, meih haih tov Kau Dih nyei div zuangx mienh zaah mangc. Meih oix zuqc tov naaiv nyungc zaah dimv nyei jauv yiem meih tong fienx bun Kau Dih ei gu’nguaaic naaiv. Yiem naaiv kang buangh doic nyei jauv meih haih maaih caengx sic mienh, caux meih maaih leiz fungx doix zengx sou, caux zaah mangc taux kau dih funx benx jiex daaih nyei zaeqv. Meih haih duqv zipv zeiv zien guv yienh nyei Longc Sic Sou-Fienx dongh biux mengh taux weic haaix diuc caux funx daaih nyei jaauv nzuonx nyaanh, jiu tong caux Kau Dih (ei gu’nguaaic naaiv).

Nyungc baav porv mengh waac se haih benx weic haaix diuc meih maiv laengz zipv taux meih nyei zaeqv se haih benx: (1) Meih maiv duqv zipv “CalFresh”; (2) Dingc daaih jiex ziangh hoc nyei soux mouc se maiv zuqc; a’fai (3) Simv Zaeqv fai “Bankruptcy” Leiz yiem jienv dongh meih fungx simv zaeqv sou bieqc yaac duqv guangc qiemx jiex daaih nyei zaeqv; caux (4) Kau Dih maiv duqv zoux ei Saengv nyei leiz, caux “Cash Aid” a’fai “CalFresh” nyei leiz, dongh funx meih qiemx nyei nyaanh ziangh hoc.

Weic bun Kau Dih maaih ziangh hoc zorc sou-gorn ei qiemx zuqc nyei dorngx ndaangc maaih horpc nyei zorqv cuotv nyaanh yiem meih nyei hnyangx-dong nzou-zinh, a’fai ganh nyungc nyaanh meih qiemx bun “California” Saengv, meih tov nyei sou oix zuqc fungx taux bun kau dih ei gu’nguaaic naaiv, yiem 30 hnoi yiem meih duqv zipv naaiv zeiv sou-fienx. Maiv gunv hnangv naaic, meih haih fungx sou-tov taux zaah mangc meih nyei sou-gorn haaix zanc yaac duqv yiem hnyangx-dong gu’nyuoz, ei “California Department of Social Services Manual of Policies” nyei leiz caux Yietv-Nyiec - Ginc 20-407.

Meih, a’fai meih nyei cai-doix, haih tov sou Domh Paaiv Sic Dorngv fai “Superior Court” dingc naaiv kang sic caux zaah mangc gaax zuqc jaauv nzuonx nyei nyaanh horpc nyei fai. Tov jiu tong caux Kau Dih ei dingc daaih yiem gu’nguaaic naaiv zeiv sou-fienx taux ganh diuc za’eix.